


地理全圖

鎮番縣志

卷之一

西

疆域圖



永昌界

龍口山

青臺山

獨青山

紅崖山

黑山

赤茨山

劉家山

紅岡子山

月牙湖

白塔河

龍王廟
北南

武威界

洪水河

蘇山圖

鎮番縣志

卷之一

東

寧夏賀蘭山界

古浪大靖界

中衛界

寧夏賀蘭山界

阿喇鴉山

麻山

青山

抹山

半個山

柳林溝

狼跑泉山


白亭軍

白海

槍杆嶺

蘇山


赤喇山



鎮番縣志

卷之一

蘇山圖



續修鎮番縣志卷之一

地理考

舊志首載地理而不言分野蓋以星象虛懸本屬難憑若一縣之微必指某星照臨以主占驗非惟管見井窺無一是處而穿鑿附會且啟後世荒渺之談茲疑竇而反多聚訟闕而不書亦斷制謹嚴之意然近今地理學日以發明測量精深凡遇環球列國計其道里遠近土壤高下無不以星次為導線藉宿纏為方針是天文一學實與地理有密切關係而為考據

續修鎮番縣志

卷一

地理考

一

家所必不可少之材料今擇經緯度以錄簡端既可補分野之缺點亦較分野之說為尤確云

經緯度

縣治在地球東經一百零三度十一分三抄北緯三十八度七分五十九抄北極出地四十一度五十二分一抄北京偏西十三度六分四抄偏南一度七分五十六抄

疆域記略

鎮番在涼州東北隅自邊界言之東至寧夏府沙河



界六百三十里西至昌甯堡永昌界一百二十里南至三岔口武威界一百四十里北至亦不喇山界二百八十里統計廣七百里袤四百一十里就境內居民之地言之南至鍾家大門起迤邐斜抵至東北青土湖止西自大西河起延袤至東北外西岔止縱計四百餘里橫計不過百餘里其餘西北一帶東南一隅大抵皆沙漠土陵或為鄉人牧畜之地或為蒙古角逐之場俗謂鎮番疆域沙占十之六人占十之四不誠然哉雖然地不愛寶而人功宜施方今民國維

新凡邊疆隙地莫不廣開墾務以為生民利賴之資鎮番幅頓遼濶無論臨邊廣漠一望無垠即域中閒田凡一切草場湖灘高原下隰可以為吾民耕種之地者亦復無窮邇來水勢浩天川湖澆灌之餘僅有餘潤留心民瘼者苟能因地制宜審時揆勢由域中以推之郊外由郊外以推之荒徼不毛磽地化成沃壤無用沙磧胥含生機則富庶必有倍於今日者禮曰地廣大荒而不治此亦士之恥也其意可深長思矣抑又有說者有明暨清初以鎮番地處極邊夷虜

環列胡笳四集出沒無常大為民患故於東西北三面各設烽燧星羅密布互資捍衛又於緊要隘口立官以資鎮壓設兵以重防守所以固邦基而衛內地者至周且詳二百年來烽燧則傾圮矣官兵則收撤矣士庶官吏並不知防務為何事此非昔日嚴於保疆而今日疏於衛民也胡越一家邊境靜謐天下之成平久矣雖然制治未亂保邦未危鎮番壤接番夷為窮荒要地雖有大河環繞羣山綿亘然平原多而關隘少欲恃以羈戎馬之足而弭異族窺伺之心勢

續修鎮番縣志

卷一

地理考

三

恐有所不能况所謂山川者亦祇土脊杯水耳嗚呼以夷人出入之地而入門無門入閨無閨不大可懼乎哉易曰王公設險以守其國書曰申畫郊圻慎固封守夫曰設險曰慎固必有所以設所以固者在也臨時之補葺無益未雨之綢繆宜早有守土之責者可以知矣

沿革 新通志

漢置武威宣威二縣屬武威郡後漢因之晉以後為後涼呂氏將楊軌所據後魏改置武安郡西魏郡縣

皆省入姑藏唐郭元振為涼州都督置白亭軍後陷於吐蕃宋為西夏所據元為小河灘城明洪武二十九年分置鎮番衛屬陝西行都司清初因之雍正三年改衛為縣

形勝

南蔽姑藏西援張掖翼帶河隴控臨絕塞地形陡絕戎馬之場方輿紀要按邑左連甯夏右接永昌仰吸大河俯瞰絕塞屏西北則來伏岫聳障東南則蘓武峰高環拱天山實五涼之重鎮孤懸沙漠作三邊之巘疆

續修鎮番縣志

卷一

地理考

四

非同甌脫莫作瓦全

山川

山川視舊志無甚更改然滄海桑田世事多變山固百世不易者也至川則昔或受利而今受病者昔或受病而今得利者遠觀博覽不勝今昔俯仰之感

蘓武山為鎮番最有名之境以漢蘇中郎大節懍懍萬古地以人重故也凡一切詩歌贈答舊志固言之詳矣他若來伏紅崖等山計有一十九座其方位形像或毗連或獨崎或出產多寡或關隘險夷俱詳舊

志今昔無殊惟茅條山碾磨山雙山子黑尖山圍山子舊志俱未收入固蟻蛭之小陵然亦未始無天地靈淑之氣山嶽鍾毓之精茲特採錄以補遺缺

茅條山碾磨山雙山子俱在距城東北七十里之紅沙梁黑尖山圍山子俱在柳林湖中渠

舊志載清泉水湖鹽池大小三十六處固已盡鎮番之巨觀矣然時有不同地勢亦異青土湖舊志第記其名蓋爾時不過牧畜之地而已近數十年來水勢浩大凡西河隘失之水俱由大小西河經來伏山稍

續修鎮番縣志

卷一

地理考

五

折東北流貫其中東西三四十里南北五六十里上下天光一碧萬頃東渠之復興復順復成皇惠元始文盛字雲三洪露月大小結等處人民田產強半湮沒近雖設法疏通北流硝池然傍近居民仍不時有其魚之患

距城西南一百二十里所下溝泉同治間尚涓滴耳光緒十餘年來水勢愈大縱橫數十里荒田盡成膏腴令移居其地者不下數十百戶

可拔海雞心海潮水海俱在柳林湖中渠距城二

里百

黑水墩在縣西北一百五十里其地有小山墩蹲踞其上高三丈有奇週圍十餘丈墩前建立石碑橫載永鎮分界四字直鐫黑水墩迤北鎮番界共十一字墩之東北約三里許數年前雖有泉眼然涓涓細流不能澆灌鎮民故淡漠置之至民國三四年泉水洶湧浸淫漸漬幾成沃壤附近居民即在泉之左右畫畦分畛試種菜蔬頗有生氣五年秋稟請領照升科縣委員紳履勘地址碣在鎮番縣內旋給試種執照暫升文廟奉祀糧六石六年春鎮民播種永民為樵

蘇起見糾眾阻擾妄為干涉實屬風馬牛不相及黑水墩迤北則有四方墩天池墩明沙墩梧桐墩山崗墩潦池墩舊志疆域圖說所載西邊與永昌甯遠堡北境外連界計里二百有奇草地盤斜土山孤起舊為夷人畜牧之區邊外設有烽燧七座號曰廣漠即合此墩而言之也

黑水墩陶沙灣爭案

民國六年春鎮民在陶沙灣一帶開墾播種永民糾眾阻擾搶奪牲畜器具並拆毀房屋鎮民即以越界

爭佔呈訴永民於甘涼道憲嗣經道尹馬按照清光緒二十四年涼州知府慶會同兩縣知事躬親履勘之址界自昌甯墩起用羅經子午針向南丈量一十五里即在丈量終點築一大墩再從此墩用羅經已亥針直指黑水墩所立之界碑據為鐵案判決陶沙灣地方直截畫歸鎮番不許永民絲毫相侵亦不得藉端爭奪兩造具結此案遂定

古蹟

校尉營在縣城南二十里更名壩地前明肅王府校

續修鎮番縣志

卷一

地理考

七

尉統兵禦夷處

王家臺即今之孫家臺在縣城南二里許高約三丈廣可盈畝前明舉人王扶朱隱居處扶朱於崇禎十七年流賊陷長安慷慨請兵冀圖挽救詎料甘泉內變明社已墟至有清定鼎徵召絡繹急於星火扶朱絕意仕進稱疾終喪疏辭再上乃允嗣居臺上十有八年足不履城市口不談功名斗室嘯歌琴書終身所著有三笑草憂違草詳載舊志

深井在紅岸山中距縣西南七十里平日有形無水

每當夏月極旱時土人往濬之見水則雲氣蒸蒸上
升不移時大雨即降惜年湮代遠近被沙壓人亦無
往尋之者

墳墓

清知縣杜振宜墓在縣東郊外龍王宮後光緒三十
二年邑令劉春堂重修於墓前建立木牌民國六年
邑令周樹清續建石碑於墓後作山向
明舉人江南布政使孟良允墓在城西管林溝
明舉人王扶朱墓在城南孫家臺西南

續修鎮香縣志

卷一

地理考

八

清翰林院庶吉士盧生薰墓在城北雷廟溝與兄舉
人生華進士生蓮弟舉人生莢同一兆域

風俗

舊志云鎮畚土沃澤饒可耕可漁人勇而知義俗樸
而風醇

按土地肥瘠視水轉移鎮邑明末清初地廣人稀水
足產饒頗形優渥自風沙患起上流壅塞移坵開荒
逐水而居者所在皆是殖民地關河流日微將有人
滿土減之憂至水族孳息澤梁涸而多魚無夢土沃

澤饒竟成往事已

前明夷虜不靖重在武功鄉旅丁壯俱能同仇敵愾
為國家作干城至有清同治朝回氛猖獗干戈擾攘
中斬首執馘勇於公戰者雖不乏人然較之往昔已
覺寥寥今五族共和中外一家軍營裁撤刁斗不警
民氣怯懦亦太平之日久所致云

清初民風樸茂服食之間披布褐飽菽粟者率以為
常間有富紳大賈衣錦食稻亦各以其時至賓朋讌
會烹羊炮羔米酒麥飯猶存古風今則宮室車馬競

相誇耀衣服飲食爭為奢靡蕩僻之行浸成習慣惟
婦女皆勤紡織士儒力爭文明尚為河西諸郡所罕
俗尚之純駁雖曰世運豈非人事哉竊讀舊志風俗
記當時鄉先生據童時聞見與躬親閱歷者載在簡
冊以昭示後來若貴族大家閭巷小民之所往來飲
食衣服典禮儀節之所設施與夫孰節儉尚廉義老
成忠厚之所彌綸陶然成俗循循焉莫不有規矩即
有矜豪華角聲勢佻健儂薄放僻邪侈諸習尚而窺
其心猶時存顧忌未敢大肆特積漸萌芽僅見一二

於千百已不勝今昔不同之慨降及於今又八十餘年此中變遷無論等而上之欲求太古遺風已成往事即並鄉先生所感於昔日之今上下比較其風會所趨不知孰優孰劣更復何如也顧嘗詢諸父老撫時感事輒歎太息以謂氣運之由厚而薄由謹而肆由樸而華無論今與昔異即今與今尚且不同向之師儒溫文雅飭靜默厚重束身自好遇人無圭角今則冠帶風流爭以舌鋒口角挾人短長矣向之街衢匪黨潛踪人安靜謚今則武夫健兒且囂陵於市

凶黷自逞矣至富室以驕矜睨物豪俠以把持為能及胥吏幹役之因訟獄稅課魚肉鄉民動以聲色加人人亦無敢訾議之者狂悖無狀向猶知畏人言而蠕蠕以動今則飛揚跋扈公然自鳴得意矣所幸男耕女織重農桑以崇務本尚不失先民矩矱然一遇冠婚喪祭車服器用漫無限制都人士以奢為榮以儉為恥苟其財之可以具無所為而不得官宰既不禁而人又以此為榮使財力不足而不能自稱於流俗則婚喪之際往往得罪於里黨親族而援以為大

恥故富者競務奢華貧者勉強支持地方所以重國而習俗所以日媮者其不以此也歟夫世風移易誰為為之誰為使之上下往復滔滔者類如是焉觀前輩所言若以積重難返有聽其波靡已爾不知高髻細腰流從源轉長纓紫服影隨形移洛賈被褐衣鄉里皆去其錦繡太僕好墨布荆人不貴有帛絲誠使有位者力挽末流又得士大夫為之倡藉以革澆漓頽敝之習返純一樸茂之實雖限於時沮於勢不能盡如古之所為而轉移以漸吾固知教化之將行而

風俗之必底於有成也

士農工商執業

士 清初士習純正黌舍學宮書聲不輟故科名之盛甲於河西嗣亦人文蔚起昂首五郡至光緒季年停止科舉開辦學堂人皆不諳新政以子弟入校視為畏途多方疑阻幾致廢學民國肇興智識初開少年聰穎留京師遊東洋者接踵相望今則高等國民諸學校城鄉改設實有四十餘處風氣丕變駸駸乎將有發達之機雖士氣趨文漸不古若然砥廉礪隅

猶知自愛非先正典型尚在人間歟

農 鎮邑十地九沙民勤而樸力耕自食刻無甯晷
季春時先種青稞小豆次大小麥為夏種四五月種
糜穀為秋種去莠鋤蒿皆手親拔夏禾收以六月西
成竣於八月地氣高寒田不雨收終歲勤勞僅能給自
工 工無奇技營巧所恃以粗供需要者不過攻金
攻木攻皮攻埴埴攻繪畫數行而已今日實業發達
工戰居一若不力為改良任其守舊將製造腐敗終
難適用處優勝敗劣之場豈能競立爭存歟

續修鎮番縣志

卷一

地理考

十二

商 賈皆土著無遠商豪客雜居市廛間有山西雲
代間人租地而居及川湖行旅僑寓旅舍互相貿易
者不過十之一二轉運鹽茶各貨於京津山陝關外
諸路往來絡繹皆以本境駝商為最多今則中央振
興商務整頓實業鎮邑人民果能組織改良力求進
步則生機富饒詎堪限量耶

冠婚喪祭歲時伏臘禮儀

冠 河西禮不備

婚 訂婚憑媒許字先合男女年庚無冲尅即寫庚

帖為婚書議定初用幣帛首飾為聘儀奠雁親迎俱非古禮惟請期納采粗似之新婦入門先拜天地合卺後親友具賀三日行叅竈禮拜謁先祖舅姑諸黨宴客酒饌豐約隨宜女家粧奩不計多寡然上下數十年間習俗移人因樸趨文由儉入奢已不無今昔不同之感

祭 丁祭外文昌魁星蒼頡俱有祀農祀龍王土地工祀各業祖師商祀關帝財神至普通合祀則有三月三日之玄真四月八日佛會五月念八之城隍六

月念四之雷祖上中下元之三官建醮薦馨莫不牽牲束帛備致豐潔若行拜掃於清明上元奠涼漿於六月六日送寒衣於十月十日焚紙錢於歲終除夕墻間互祭墓前致奠雖非古禮然禴祀蒸嘗未始非親親合族之遺意焉

喪 卒哭躃踊至性所感禮即存焉初終子婦妻妾及女子已嫁未嫁皆披髮蓬頭即柩次鋪草晝夜寢處三日殮行祭禮乃束髮服衰聞訃親友七日行祭禮凡銘旌告廟遷靈朝夕奠俱如家禮殯不拘時殯

即焚草門外至祀后土題主虞祭大小祥禫諸禮行
否不等貧富便之惟齋七作佛事釀成積習士大夫
家不肯沿然亦不能革

賓無故不宴賓惟慶賀祝嘏乃治酒張羅相與道
故間有多數老成輪流醪饗然酒饌不豐不過月一
行之以昭敦睦之意未有酒食徵逐浪擲金錢於杯
盤如今日之甚者也

師洪範曰師言軍旅也茲即師生而論初學修贄
敬四時節儀多寡量力入泮酬謝亦視貧富為準無

定數工匠亦有師禮敬相同惟藝成後按所獲工價
作酬金足其數方准專業不然仍協力服勞視儒價
值迥不侔矣

四時儀節如元旦禮神明敬先祖元宵花朝之張燈
三月上巳之清明四月八日之佛會五月五日之端
陽角黍六月六日之祭祖墓奠涼漿七月望日之拜
掃八月中秋之月餅九月重陽之登高十月朔日之
墓祭送寒衣冬至日之投醪腊八日之五色麥豆粥
除夕之守歲隣邑皆然茲不錄